



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTOV 0025543 24

Sarajevo, 25.07.2024. godine

SUD BOSNE I HERCEGOVINE  
SARAJEVO  
- Sudiji za prethodno saslušanje -

Na osnovu odredbi člana 35. stav (2) tačka i) i odredbi člana 226. stav (1), u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH)  
p o d i ž e m:

OPTUŽNICU

IGOR BUŠATLIJA zvani „Ledeni“, [REDACTED]  
rođen [REDACTED] 1979. godine u Travniku, državljanin BiH i R Hrvatske, [REDACTED]

ŠTO JE:

U vremenskom periodu od 2019. godine do 17. marta 2022. godine, na teritoriji Bosne i Hercegovine, Crne Gore, R Hrvatske i drugih država Evropske unije, u cilju sticanja protivpravne imovinske koristi, neovlaštenim međunarodnim transportom i prometom opojne droge „Cannabis sativa L“, iako su znali da se radi o opojnoj drogi, kao i da nemaju odobrenje nadležnog organa za nabavku, kupovinu, držanje i prodaju opojne droge, a koja se nalazi na Listi opojnih droga psihotropnih materija i biljaka iz kojih se može dobiti opojna droga i prekursora, suprotno Zakonu o sprečavanju i suzbijanju zloupotrebe opojnih droga (“Sl. glasnik Bosne i Hercegovine“, br: 08/06,103/08 i 51/11), Konvenciji o psihopatskim supstancama iz 1971. godine i Konvenciji UN protiv nezakonitog prometa opojnih droga i psihotropnih supstanci iz

1988. godine, čiji je promet zabranjen i može se obavljati samo na osnovu dozvole nadležnog organa izdate na osnovu Zakona o sprečavanju i suzbijanju zloupotreba opojnih droga Bosne i Hercegovine, koju dozvolu nisu imali, iako svjesni zabranjenosti ovih radnji i svjesni svog djelovanja, htijući to, međusobnim povezivanjem i dogovaranjem, te povezivanjem i dogovaranjem sa drugim njima poznatim licima, **Igor Bušatlija**, zajedno sa [REDACTED] i druga njima poznatim licima, postao pripadnik grupe za organizovani kriminal, u smislu člana 1. stav (22) Krivičnog zakona Bosne i Hercegovine (Grupa), koju su organizovali [REDACTED] iz Crne Gore, a kojom je [REDACTED] i rukovodio na način da je svakom od pripadnika u realizaciji planiranog podijelio uloge i dodijelio unaprijed određene zadatke, da bi u preduzimanju radnji izvršenja krivičnih djela koje su činili po uputama organizatora [REDACTED] nužno bili međusobno povezani, pa je svaki od njih imao svijest i znanje o određenim zadacima i radnjama izvršenja drugih pripadnika, da bi u prilikama preduzimanja radnji izvršenja krivičnih djela međusobno komunicirali i putem telefonskih aparata tzv. „Kripta“, sa instaliranom kriptovanom aplikacijom SkyEcc, pri čemu je svaki član grupe koristio odgovarajući kod/šifru kao i posebno korisničko ime prilikom korištenja pomenute aplikacije SkyEcc, vjerujući da će Grupa preko navedenih sredstava komunikacije, u tom trenutku nepristupačnim organima gonjenja, neopaženo istrajati i činiti krivična djela radi kojih je i formirana, i to: [REDACTED]

[REDACTED], pa su u sastavu Grupe, nakon što bi organizator [REDACTED] u neposrednim ili posrednim kontaktima sa pripadnicima drugih povezanih grupa za organizovani kriminal koje su sa istim ciljem djelovale na teritoriji Bosne i Hercegovine i šire, dogovorio cijenu transporta opojne droge po jednom kilogramu, i to za novčane iznose od najmanje 150 Eura iz Crne Gore u Bosnu i Hercegovinu i najmanje 250 Eura iz Crne Gore u R Hrvatsku, te vrijeme, mjesto i način primopredaje opojne droge u Crnoj Gori, pripadnici Grupe [REDACTED] ili drugi njima poznati pripadnici grupe iz Crne Gore, istu opojnu drogu u većim količinama, a ne manje od 100 kg, preuzimali na različitim lokacijama u Crnoj Gori, a potom motornim vozilima zajedno sa organizatorom [REDACTED] prevozili sa teritorije Crne Gore na teritorij Bosne i Hercegovine, preko ilegalnih međudržavnih graničnih prelaza na području općine Gacko, u blizini graničnog prelaza Krstac, za vrijeme dok se pripadnik [REDACTED] u svojstvu službenika Granične policije Bosne i Hercegovine nalazio na radnim zadacima na Graničnom prelazu Krstac, koji je za novčani iznos od po 500 EUR-a po prelazu, a koji je primao, odnosno koji su mu davali [REDACTED], izvidanjem, navođenjem i blagovremnim dostavljanjem informacija o kretanju službenih lica u pojasu graničnog prelaza Krstac, postupajući suprotno Zakonu o Graničnoj kontroli Bosne i Hercegovine („Službeni glasnik Bosne i Hercegovine“, br: 53/09, 54/10 i 47/14), obezbijedio neometan prevoz opojne droge na teritorij Bosne i Hercegovine, na područje općine Gacko ili u drugim prilikama neometanog prevoza kada ovaj pripadnik nije bio na radnim zadacima, gdje su ih na teritoriji Bosne i Hercegovine u određeno vrijeme i na određenom mjestu, u blizini međunarodne granice, čekali pripadnici Grupe [REDACTED] i **Igor Bušatlija**, koji su opojnu drogu radi daljeg transporta i prodaje istim ili drugim vozilima prevozili u Bosni i Hercegovini i



smještali u objekte: na području Novog Travnika kod pripadnika [REDACTED] Čapljine kod [REDACTED] Livna [REDACTED] i Gradiške kod pripadnika druge povezane Grupa za organizovani kriminal [REDACTED] dok su u vrijeme prevoza opojne droge organizator [REDACTED] sam ili zajedno sa pripadnikom [REDACTED], s ulogom tzv. „čistača“ vršili izviđanje putne komunikacije kojom se vršio transport opojne droge do lokacije skladištenja, kako bi o eventualnom postojanju policijskih patrola o tome obavještavali pripadnike koji su sa ulogom vozača vršili prevoz opojne droge, u kojim prilikama su svi koristili mobilne telefone tzv. “Kečeve”, u komunikaciji „jedan na jedan“, a koje su po izvršenim transportima uništavali zajedno sa korištenim telefonskim karticama ili je [REDACTED] zajedno sa drugim njemu poznatim licima, opojnu drogu preuzimao na različitim lokacijama na teritoriji Crne Gore, a zatim na njima poznat način prevozili ili prenosili zaobilazeći granični prelaz Hum na području općine Foča, skladištio opojnu drogu na njemu poznatim lokacijama na području Foče, nakon čega bi određenu količinu opojne droge, koja je na opisane načine nezakonito prenesena ili prevezena preko međudržavne granice na području općine Gacko i Foča, i koja se nalazila uskladištena na teritoriji Bosne i Hercegovine, organizator [REDACTED] ili pripadnici [REDACTED], [REDACTED] i **Igor Bušatlija** predavali na teritoriji Bosne i Hercegovine pripadnicima drugih povezanih grupa za organizovani kriminal za koje je izvršen nezakonit transport opojne droge,

[REDACTED] dok su najvećim dijelom opojnu drogu teretnim i drugim motornim vozilima po uputama organizatora pripadnici [REDACTED], [REDACTED] prevozili preko graničnih prelaza ili zaobilazeći legalne granične prelaze Gradiška, Strmice, Gabela sa teritorije Bosne i Hercegovine u R Hrvatsku, potom u Mađarsku i druge države Evropske unije, ili su za dogovorene novčane iznose to radili pripadnici drugih povezanih grupa za organizovani kriminal, među kojima [REDACTED] i druga njima poznata lica, gdje su dalje opojnu drogu predavali njima poznatim licima radi dalje prodaje ili je organizator [REDACTED] u određenim prilikama, opojnu drogu za čiju nabavku je prethodno novac obezbijedio suorganizator [REDACTED], prodavao direktno ili posredstvom pripadnika grupe licu [REDACTED]

na području Srednjobosanskog kantona ili Zeničkodobojskog kantona i drugim njima poznatim licima na teritoriji Bosne i Hercegovine i R Hrvatske za iznose od 1500 do 2000 Eura po jednom kilogramu, pri čemu je grupa neovlašteno prometovala sa najmanje 3.699 kg opojne droge „Cannabis Sativa L“ od čega je pronađeno i privremeno oduzeto najmanje 1.200 kg opojne droge u više odvojenih događaja, čime su u sastavu Grupe stekli protivpravnu imovinsku korist u iznosu od najmanje 554.850,00 Eura, odnosno u protivvrijednosti 1.081.957,5 KM, a pripadnik Igor Bušatlija u okviru opisanih radnji, učestvovao u neovlaštenom prometu najmanje 516 kg opojne droge „Cannabis Sativa L“, od čega je pronađeno 297 kg, čime je stekao protivpravnu imovinsku korist u njemu poznatom iznosu, u najmanje sljedeće opisanim događajima:

**Igor Bušatlija**, [REDACTED], zajedno sa [REDACTED] i drugim njima poznatim licima

U vremenskom periodu od 19.11.2020. do 02.12.2020. godine, na teritoriji Crne Gore, Bosne i Hercegovine i R Hrvatske, neovlašteno prometovali količinom od najmanje 158 kg opojne droge „Cannabis Sativa L“, na način da je [REDACTED], zajedno sa korisnicima Sky Ecc koda [REDACTED]



u vremenskom periodu od 19.11.2020. do 25.11.2020. godine, opojnu drogu preuzeo na širem području Podgorice, smjestio na njima poznatoj lokaciji, a zatim dana 25./26.11.2020. godine utovario u njima poznato vozilo, nakon čega su se, najmanje jednim vozilom, uputili prema mjestu Krstac, u neposrednoj blizini graničnog prelaza Krstac, na kojem ih je čekao organizator [REDACTED], koji je preuzeo vozilo u kojem se nalazila opojna droga, a potom kontaktirao [REDACTED], koji je u to vrijeme bio na dužnosti u svojstvu policijskog službenika Granične policije Bosne i Hercegovine i koji se nalazio na radnom mjestu na GP Krstac, koji mu je izvidanjem, navođenjem i blagovremnim dostavljanjem informacija o kretanju službenih lica u pojasu graničnog prelaza Krstac, obezbijedio neometan prevoz opojne droge na teritorij Bosne i Hercegovine, na području općine Gacko, gdje su ih čekali [REDACTED], nakon čega su, dana 26.11.2020. godine [REDACTED] prevezli opojnu drogu na područje Novog Travnika, sa njima poznatim vozilima, tako što je vozilom, u kojem se nalazila opojna droga, upravljao [REDACTED] dok su u vrijeme prevoza [REDACTED] imali ulogu tzv. „čistača“, u drugom njima poznatom vozilu i vršili izvidanje putne komunikacije do lokacije skladištenja, gdje su opojnu drogu, radi daljeg prevoza, smjestili kod [REDACTED] pa je dalje dana 26.11.2020. godine, istu količinu opojne droge [REDACTED] u kombi vozilu Ford, registarskih oznaka [REDACTED], prevezao na područje Gradiške, te radi daljeg prevoza i prodaje u R Hrvatskoj predao [REDACTED] i njemu poznatim licima kao pripadnicima povezane grupe, a koji je organizovao prevoz opojne droge na teritorij R Hrvatske za novčani iznos od najmanje 15 000 Eura, koji je i dobio od organizatora [REDACTED] koja je dana 02.12.2020. godine, nezakonito prevezena iz Bosne i Hercegovine u R Hrvatsku, preko MGP Gradiška, skrivena u legalnu robu, koju je na području Zagreba, prema uputama organizatora preuzeo **Igor Bušatlija** zajedno sa korisnikom Sky Ecc koda [REDACTED] smjestio na njima poznatu lokaciju, radi dalje predaje licima sa kojim je [REDACTED] dogovorio neovlašten promet opojne droge;

**Igor Bušatlija**, [REDACTED], zajedno sa drugim njima poznatim licima

U vremenskom periodu od 08.12.2020. do 25.12.2020. godine, na teritoriji Crne Gore, Bosne i Hercegovine, neovlašteno prometovali količinom od najmanje 297 kg opojne droge „Cannabis Sativa L“, na način da je [REDACTED] zajedno sa korisnicima Sky Ecc koda [REDACTED], u vremenskom periodu od od 08.12.2020. do 11.12.2020. godine, opojnu drogu preuzeo na širem području Podgorice, smjestio na njima poznatoj lokaciji, a zatim dana 11./12.12.2020. godine utovario u njima poznato vozilo, nakon čega su se, najmanje jednim vozilom, uputili prema mjestu Krstac, u neposrednoj blizini graničnog prelaza Krstac, na kojem ih je čekao organizator [REDACTED] koji je preuzeo vozilo u kojem se nalazila opojna droga, a potom kontaktirao [REDACTED] koji je u to vrijeme bio na dužnosti u svojstvu policijskog službenika Granične policije Bosne i Hercegovine i koji se nalazio na radnom mjestu na GP Krstac, koji mu je izvidanjem, navođenjem i blagovremnim dostavljanjem informacija o kretanju službenih lica u pojasu graničnog prelaza Krstac, obezbijedio neometan prevoz opojne droge na teritoriji Bosne i Hercegovine, na području općine Gacko, gdje su ih čekali [REDACTED] i **Igor Bušatlija**, nakon čega su dana 08.12.2020. godine [REDACTED] i **Igor Bušatlija** prevezli opojnu drogu na područje Novog Travnika, sa najmanje dva vozila, tako što je vozilom VW Caddy registarskih oznaka [REDACTED], u kojem se nalazila opojna droga, upravljao **Igor Bušatlija**, dok su u vrijeme prevoza [REDACTED] imali ulogu tzv. „čistača“, u drugom njima poznatom vozilu i vršili izvidanje putne komunikacije do lokacije skladištenja, gdje su opojnu drogu radi daljeg prevoza, smjestili kod [REDACTED] pa su dana 12.12.2020. godine, istu



količinu opojne droge [REDACTED] upravljajući kombi vozilom, Ford registarskih oznaka [REDACTED], u kojem se nalazila utovarena opojna droga, a [REDACTED] i [REDACTED] ([REDACTED]), u ulozi tzv. „čistača“, u vozilu VW Up, registarskih oznaka [REDACTED], prevezli na područje Gradiške i radi dalje prevoza i prodaje u R Hrvatskoj predali [REDACTED] i drugim njemu poznatim licima kao pripadnicima povezano grupe, koja je ostala smještena i skrivena na području Gradiške, zajedno sa preostalim količinom opojne droge koju su organizator i pripadnici prethodno neovlašteno prometovali, u ukupnoj količini od najmanje 436 kg, koju su, dana 25.12.2020. godine, policijski službenici Ministarstva unutrašnjih poslova Republike Srpske pronašli i privremeno oduzeli, prilikom pretresa kuće i pomoćnih objekata u vlasništvu lica [REDACTED]

**Igor Bušatlija**, [REDACTED], zajedno sa drugim njima poznatim licima

U vremenskom periodu od 15.12.2020. do 28.01.2021. godine, na teritoriji Albanije, Crne Gore i Bosne i Hercegovine, neovlašteno prometovali količinom od najmanje 61 kg opojne droge „Cannabis Sativa L“, na način da je [REDACTED] zajedno sa korisnikom Sky Ecc koda [REDACTED] [REDACTED] i drugim njima poznatim licima, po uputama organizatora [REDACTED], koji je neovlašten promet opojne droge, dogovorio sa [REDACTED] nabavio i preuzeo 61 kg opojne droge „Cannabis Sativa L“ na teritoriji Crne Gore, koju su dana 20./21.01.2021. godine, smjestili u vozilo, a potom se uputili prema mjestu Krstac, da bi dolaskom u neposrednoj blizini graničnog prelaza Krstac, ostvarili komunikaciju sa [REDACTED], koji je u to vrijeme bio na dužnosti u svojstvu policijskog službenika Granične policije Bosne i Hercegovine i koji se nalazio na radnom mjestu na GP Krstac, koji je izvidanjem, navođenjem i blagovremnim dostavljanjem informacija o kretanju službenih lica u pojasu graničnog prelaza Krstac, obezbijedio neometan prevoz opojne droge na teritoriji Bosne i Hercegovine, na području općine Gacko, gdje su ih čekali [REDACTED] i **Igor Bušatlija**, koji su, dana 21.01.2021. godine, preuzeli opojnu drogu i prevezli na područje Novog Travnika, sa najmanje dva vozila, među kojima se nalazilo kombi vozilo Ford, registarskih oznaka [REDACTED], pri čemu je **Igor Bušatlija** upravljao vozilom u kojem se nalazila opojna droga, dok je [REDACTED] imao ulogu tzv. „čistača“, tako što je vršio izvidanje putne komunikacije do lokacije skladištenja, gdje su opojnu drogu, radi daljeg prevoza, smjestili kod [REDACTED] odakle je dana 22.01.2021. godine, istu količinu opojne droge [REDACTED] u kombi vozilu, Ford registarskih oznaka [REDACTED], prevezao na područje Banja Luke, gdje je 21 kg predao njima poznatom licu korisnik Sky Ecc [REDACTED] i 40 kg predao [REDACTED]

**Dakle,**

**Igor Bušatlija** kao pripadnik grupe za organizovani kriminal neovlašteno vršio međunarodnu prodaju, prijenos, nudio na prodaju, radi prodaje kupovao, držao, prevezio, posredovao u međunarodnoj prodaji i kupovini i na druge načine neovlašteno stavlja u međunarodni promet supstance koji su propisom proglašeni opojnim drogama;

**Čime je:**

**Igor Bušatlija** opisanim radnjama počinio krivično djelo „Organizovani kriminal“ iz člana 250. stav (2) Krivičnog zakona Bosne i Hercegovine, a u vezi sa krivičnim djelom „Neovlašteno promet opojnim drogama“ iz člana 195. stav (1) Krivičnog zakona Bosne i Hercegovine.

**T U Ž I L A C**  
**TUŽILAŠTVA BOSNE I HERCEGOVINE**